

Akashvani, Sambalpur

SAMBALPURI NEWS BULLETIN

13 January 2026 – 6.47- 6.52 am.

ମୁଖ୍ୟମନ୍ତ୍ରୀ- ଚିଲିକା ବିକାଶ ସମୀକ୍ଷା ଆରବନ୍ଦୁ/ ସମ୍ବଲପୁର

ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଗଲାକାଏଲ୍ ଭୁବନେଶ୍ୱର ଲୋକସେବା ଭବନ ନ ଚିଲିକା ଉନ୍ନୟନ କର୍ତ୍ତୃପକ୍ଷଙ୍କର ସହେତେ ଚିଲିକା ହ୍ରଦର ସାମଗ୍ରିକ ବିକାଶ ସଙ୍ଗେ ସମନ୍ୱିତ ଯୋଜନାର ସମୀକ୍ଷା କରିଛନ୍ । ଇ ଅବସରେ ମୁଖ୍ୟମନ୍ତ୍ରୀ ଚିଲିକାର ଜୈବ ବିବିଧତାର ଉତ୍ସାର ଆଉ ସୁରକ୍ଷା ଲାଗି ଅଧିକାରୀମାନଙ୍କୁ ନିର୍ଦ୍ଦେଶ ଦେଇଛନ୍ । ଇତାରସହେତେ ଚିଲିକା ଲାଗି ସ୍ୱତନ୍ତ୍ର ପର୍ଯ୍ୟଟନ ଯୋଜନା କରବାରକେ ପରାମର୍ଶ ଦେଇଛନ୍ ।

ଆମେ ପଢ଼ିବା ଆମ ଭାଷାରେ କାର୍ଯ୍ୟକ୍ରମ ଆଇ.ଆର୍.ପି.ଆର

ରାଜ୍ୟ ମହିଳା ଆଉ ଶିଶୁବିକାଶ ବିଭାଗ ତରଫୁ ଆମେ ପଢ଼ିବା ଆମ ଭାଷାରେ କାର୍ଯ୍ୟକ୍ରମର ଆଏଜ୍ ଉଦ୍ଘାଟନ ହେବା । ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା ଆଭାସୀ ଜରିଏ କାର୍ଯ୍ୟକ୍ରମକେ ଉଦ୍ଘାଟନ କରବେ ।

ଇଥି ୨୧ ଟା ଜନଜାତୀୟ ମାତୃଭାଷାଥି ଅଙ୍ଗନବାଡ଼ି ମାନଙ୍କେ
ଛୁଆମାନଙ୍କୁ ପ୍ରାରମ୍ଭିକ ଶିକ୍ଷା ଦିଆଯିବା । ଇତାର୍ସହେତେ ବାଲ୍ୟବିବାହ
ନିବାରଣ ଲାଗି ସାରା ରାଏଜେ ଶହେ ଦିନିଆ ଅଭିଯାନ, କିଶୋରୀ
ଗର୍ଭଧାରଣ ରୁକ୍ତବାର ଲାଗି ପଦକ୍ଷେପ୍ ବରଗଡ଼୍ ଜିଲ୍ଲା ବରପାଲି ନ
ରାଜ୍ୟ ମହିଳା ଆଉ ଶିଶୁ ପ୍ରତିଷ୍ଠାନ ଆଉ ବୌଦ୍ଧ ଆଉ କନ୍ୟାଲ୍ ନ
ଷ୍ଟାପ୍ କ୍ବାଟର୍ ଭିଲ୍ ଉଦ୍ଘାଟନ୍ କରାଯିବା ।

ନିର୍ମାଣ ସାମଗ୍ରୀ ମୂଲ୍ୟ ନିର୍ଦ୍ଧାରଣ ଆଇ.ଆର୍.ପି.ଆର୍

ପୂର୍ତ୍ତମନ୍ତ୍ରୀ ପୃଥ୍ବୀରାଜ୍ ହରିଚନ୍ଦନଙ୍କର୍ ଅଧକ୍ଷତାଥି ଗଲାକାଏଲ୍
ଭୁବ୍ନେଶ୍ୱର୍ ଲୋକ୍ସେବା ଭବନ୍ ନ ଭିତିଭୂମି ନିର୍ମାଣ୍ଥି ବେଭାର୍
ହେଉଥିବା ଦରବ୍ ଦାମ୍ ଧାରିଜ୍ ବାବଦ୍ ଆଲୋଚନା ବୈଠକ୍
ହେଇଯାଇଛେ । ବୈଠକ୍ଥି ରାସ୍ତା ଆଉ କୋଠାବାଡ଼ି ତିଆର୍ କାମ୍ଥି
ବେଭାର୍ ହେଉଥିବା ଦରବ୍ ଗୁଣବତା ଆଉ ତାର୍ ଠିକ୍ ଦାମ୍ ଧାରିଜ୍
କରାଗଲେ ଭିତିଭୂମିର୍ ସ୍ଥାୟୀତ୍ ବର୍ତ୍ତବାର୍ ସହେତେ ନିର୍ମାଣ୍ ଖର୍ଚ୍ଚା କମ୍
ହେଇପାର୍ବା ବଲି ବୈଠକ୍ଥି କୁହାଯାଇଛେ । ନିର୍ମାଣ୍ କାମ୍ ମାନଙ୍କୁ
ଆଧୁନିକ୍ ସାମଗ୍ରୀର୍ ବେଭାର୍ କରବାର୍ ଉପ୍ରେ ଭିଲ୍ ମନ୍ତ୍ରୀ ଶ୍ରୀ
ହରିଚନ୍ଦନ୍ ଜୋର୍ ଦେଇଛନ୍ ।

ଆରକ୍ଷୀ ମହାନିର୍ଦ୍ଦେଶକ ପଦକ

ଆଇ.ଆର୍.ପି.ଆର୍

କର୍ତ୍ତବ୍ୟ ନିଷ୍ଠା ଆଉ କାର୍ଯ୍ୟଦକ୍ଷତା ଲାଗି ୪୬ ଝନ୍ ପୁଲିସ୍ ଅଧିକାରୀ ଆଉ କର୍ମଚାରୀଙ୍କୁ ଆରକ୍ଷୀ ମହାନିର୍ଦ୍ଦେଶକ ପଦକ ପ୍ରଦାନ କରାଯାଇଛି । କଟକ ନ ଗଲାକାଏଲ୍ ଗୁଟେ ଖାସ୍ କାର୍ଯ୍ୟକ୍ରମ୍ ଆରକ୍ଷୀ ମହାନିର୍ଦ୍ଦେଶକ୍ ଯୋଗେଶ୍ ବାହାଦୁର୍ ଖୁରାନିଆ ଇ ପଦକ୍ ପ୍ରଦାନ କରିଛନ୍ । ଇଥି କଲାହାଣ୍ଡି ଆଉ ଝାରସୁଗୁଡ଼ା ଆରକ୍ଷୀ ଅଧିକ୍ଷକ୍ ନାଗରାଜ୍ ଦେବ୍ରାକୋଷ୍ଠା ଆଉ ଜି.ଆର୍. ରାଘବେନ୍ଦ୍ର ପୁରସ୍କୃତ୍ ହେଇଛନ୍ ।

ହୀରାକୁଦ୍ ବନ୍ଧା

ସମ୍ବଲପୁର୍ ସମ୍ବାଦଦାତା

ପୁର୍ଥିର୍ ସବୁନ୍ନୁ ଲକ୍ଷ୍ୟା ହୀରାକୁଦ୍ ନଦୀବନ୍ଧାର ଥାପ୍ନାକେ ୨୯ ବରସ୍ ପୁରିଛି । ୧୯୫୭ ମସିହା ଆର୍ଡିର୍ ଦିନେ ସ୍ଵାଧୀନ୍ ଭାରତ୍ ପହେଲା ପ୍ରଧାନମନ୍ତ୍ରୀ ପଣ୍ଡିତ ଜବାହାର୍ ଲାଲ୍ ନେହେରୁ ହୀରାକୁଦ୍ ବନ୍ଧାର ଉଦ୍ଘାଟନ୍ କରିଥିଲେ । ଓଡ଼ିଶାର୍ ଅଭିବୃଦ୍ଧି, ସମୃଦ୍ଧି, ସ୍ଵାୟତ୍ତ୍ ଆର୍ ବିକାଶ୍ ଦିଗେ ହୀରାକୁଦ୍ ବନ୍ଧା ରାଏଜେ ବନ୍ୟା ନିୟନ୍ତ୍ରଣ, ଚାଷ, ଜଳସେଚନ୍, ଖାଦ୍ୟ ସୁରକ୍ଷାର୍ ସହେତେ ବିଦ୍ୟୁତ୍ ଉତ୍ପାଦନ୍ କରିକରି ଦେଶର୍ ଭିନ୍ ଭିନ୍ ଇଲାକାକେ ଉଜଲ୍ କରବାର୍ ଦିଗେ ସାହାଜ୍ କରୁଛି ।

ଉତ୍କଳ କମିଶନର-ନୂଆପଡ଼ା ଗସ୍ତ ନୂଆପଡ଼ା ସମ୍ବାଦଦାତା

ଉତ୍କଳ କମିଶନର ଆଉ ଅତିରିକ୍ତ ମୁଖ୍ୟ ଶାସନ ସଚିବ ଦେଓରଞ୍ଜନ ସିଂ ନୂଆପଡ଼ା ନ ଗଲାକାଏଲ୍ ବିକାଶ କାମ୍ ମାନକର ସମୀକ୍ଷା କରିଛନ୍ । ଜିଲ୍ଲାପାଲଙ୍କର ସମ୍ମିଳନୀ କକ୍ଷ ନ ହେଇଥିବା ସମୀକ୍ଷା ବୈଠକ୍ ଉତ୍କଳ କମିଶନର ଶ୍ରୀ ସିଂ କିଛି ଦିନ ଆଘୋନୁ ମୁଖ୍ୟମନ୍ତ୍ରୀ ଅନୁଦାନ ଦେଇଥିବା ୧ ହଜାର ୫ ଶହ ୫୫ କୋଟି ଟଙ୍କାର ପ୍ରକଳ୍ପ କାମର ଅଗ୍ରଗତି ବାବ୍ଦେ ସମୀକ୍ଷା କରିଥିଲେ । ଜଲ୍‌ସେଚନ ଲାଗି ଦିଆଯାଇଥିବା ଶହେ ୨ କୋଟି ଆଉ କୃଷକ୍ ମାନକର ଉନ୍ନତି ଲାଗି କାମ୍ ସବୁ ତୁରନ୍ତି ସାର୍ବାରକେ ନିର୍ଦ୍ଦେଶ୍ ଦେଇଥିଲେ । ଇତାର୍‌ସହେତେ ମଞ୍ଜୁର ହେଇଥିବା ରାଷ୍ଟ୍ରା ଆଉ କୋଠାବାଡ଼ି ତିଆରି କାମ୍ ମାନକୁ ତୁରନ୍ତି ସାର୍ବାରକେ ଅଧିକାରୀମାନକୁ ନିର୍ଦ୍ଦେଶ୍ ଦେଇଥିଲେ ।

ଓଡ଼ିଶ୍ ଆଇ.ଆର୍.ପି.ଆର୍

ଭାରତୀୟ ଏନିମେସନ୍ ସିନିମା - ନୀଲୁ ଲାଗି ବିଶ୍ୱ ଦୃଶ୍ୟ ଶ୍ରାବ୍ୟ ଆଉ ମନୋରଞ୍ଜନ - ଓଡ଼ିଶ୍ ବଜାର ବିଶ୍ୱସ୍ତରୁଥ୍ ସଫଳତା ଆନିଦେଇଛେ । ଭାରତୀୟ କାହାଣୀମାନକୁ ବିଶ୍ୱ ଚଳଚ୍ଚିତ୍ର ଶିକ୍ଷ ସଙ୍ଗେ ଜୁଡ଼୍‌ବାରୁଥ୍

ଓଡ଼ିଆ ଫିଲ୍ମ ବଜାର ଆସିବ ଗୁଡ଼େ ଗୁରୁତ୍ୱପୂର୍ଣ୍ଣ ମାଧ୍ୟମ ହେଇପାରିବ ।
ଯାହାର ଉଦାହରଣ ହେଉଛି ନୀଲୁ ଫିଲ୍ମର ସଫଳତା ।

ପରିବେଶ ସୁରକ୍ଷା ସଚେତନତା

ଝାରସୁଗୁଡ଼ା ସମ୍ପାଦନା

ଝାରସୁଗୁଡ଼ା ଜିଲ୍ଲା ଆଇନ୍‌ସେବା ପ୍ରାଧିକରଣ ତରଫୁ ଗଲାକାଏଲ୍ ଗୁଡ଼େ
ପରିବେଶ ସୁରକ୍ଷା ସଚେତନତା କାର୍ଯ୍ୟକ୍ରମ ହେଇଯାଇଛି । ଆଜିକୁ
ସୁରକ୍ଷିତ ରଖିବା କାଲି ପାଇଁ ବାର୍ତ୍ତା ସହେତେ ପରିବେଶଗତ ଆଇନ୍‌ର
ସାକ୍ଷରତା ଆଉ ସମ୍ପ୍ରଦାୟର ସୁରକ୍ଷା ଚେରେଷ୍ଟା ବାବଦ୍ ଇ ସଚେତନତା
କାର୍ଯ୍ୟକ୍ରମ ହେଇଥିଲା ।

ପହିଲି ଭୋଗ ଶେଷ

ପୁରୀ ସମ୍ପାଦନା

ପୁରୀ ଶ୍ରୀମନ୍ଦିର ନ ଆସିବା କାଏଲ୍ ମକର ସଂକ୍ରାନ୍ତି ଅବସରେ ସ୍ୱତନ୍ତ୍ର
ନୀତିକାନ୍ତି ହେବା । ତାର ଆଘୋନୁ ଆସିବ ମାହାପୁରୁମାନଙ୍କର ନବାଙ୍କ
ବେଶ ସହେତେ ଚାଉଲ୍ ମେଲାଣ ଆଉ ଫୁଲ ମେଲାଣ ଉତ୍ସବ୍ ହେବା ।
ସେନ୍ତା ଧନୁସଂକ୍ରାନ୍ତିକୁ ମୁଲ୍ ହେଇଥିବା ମାହାପୁରୁଙ୍କର ପହିଲି ଭୋଗ
ନୀତିର ଆସିବ ଶେଷ ଦିନ ।

ମେଗା କେମ୍ପ ଆରବନ୍ତ୍ସ/ ସମ୍ବଲପୁର

ମାନେଶ୍ୱର ବୁକ୍ସ ବଡ଼େମୁରା ଗୋକୁଳାନନ୍ଦ ଉଚ୍ଚବିଦ୍ୟାଳୟ ନ ନାଁଲେଖା
ମେଗା କେମ୍ପ ହେଇଯାଇଛି । ଗୋଷ୍ଠୀ ଶିକ୍ଷା କାର୍ଯ୍ୟାଳୟ ଆଉ ରାଜ୍ୟ
ମୁକ୍ତ ବିଦ୍ୟାଳୟ ତରଫୁ ହେଇଥିବା କାର୍ଯ୍ୟକ୍ରମ ଉନ୍ ଉନ୍ କାରଣକୁ
ଅଧୀନୁ ପାଠ ଛାଡ଼ିଥିବା ୪୧ ଝନ୍ ଛାତ୍ରଛାତ୍ରୀ ଇ କେମ୍ପକେ ଆସିକରି ନାଁ
ଲେଖେଇଥିଲେ ।

ଖେଲୋ ଇଣ୍ଡିଆ ବିର୍ ଗେମ୍ସ ଆରବନ୍ତ୍ସ/ ସମ୍ବଲପୁର

ଡିଉ ଠାନେ ହେଇଥିବା ଖେଲୋ ଇଣ୍ଡିଆ ବିର୍ ଗେମ୍ସ ସମ୍ବଲପୁରର ଝି
ପିଉ ଦାସଙ୍କୁ ସଫଳତା ମିଳିଛି । ପେନ୍ତାକ୍ ସିଲେଟ୍ ପ୍ରତିଯୋଗିତା
ସେ ଓଡ଼ିଶା ତରଫୁ ପ୍ରତିନିଧିତ୍ୱ କରିକରି ଟିମ୍ ଇଭେଂଟ୍ସ ସ୍ୱର୍ଣ୍ଣ ଆଉ ୨୦
ନୁ ୨୫ କେଜି ବର୍ଗ୍ସ କାଂସ୍ୟ ପଦକ୍ ଜିତିଛନ୍ । ତାଙ୍କର ଇ ସଫଳତା
ସମ୍ବଲପୁର ସହେତେ ସାରା ରାଏଜ୍ ଲାଗି ଗୌରବ୍ ଆନିଦେଇଛି ।

ପଠାଣି ସାମନ୍ତ ଗଣିତ ମେଧାବୃତି ଆରବନ୍ତ୍ସ/ ସମ୍ବଲପୁର

ମାଧ୍ୟମିକ ଶିକ୍ଷା ପରିଷଦ୍ ତରଫୁ ଆଏବା ୨୮ ତାରିଖ୍ ହେବାର୍‌କେ ଥିବା ପଠାଣି ସାମନ୍ତ ଗଣିତ ମେଧାବୃତି ପରୀକ୍ଷା ପିଏମ୍‌ଏସ୍‌ଟିର ଏଡ୍‌ମିଟ୍‌କାର୍ଡ୍ ଆଏବା ୨୧ ତାରିଖ୍‌ନୁ ମିଲ୍‌ବା । ଇ ପରୀକ୍ଷା ଲାଗି ଆବେଦନ୍ କରିଥିବା ୬ ଆଉ ୯ ଶ୍ରେଣୀର ଛାତ୍ରଛାତ୍ରୀମାନେ ବୋର୍ଡ୍ ଓ୍ଵେବ୍‌ସାଇଟ୍ ନ ସେମାନ୍‌କର୍ ଏପ୍ଲିକେସନ୍ ନମ୍ବର୍, ରେଜିଷ୍ଟ୍ରେସନ୍ ନମ୍ବର୍ ନାହେତ ମା' ବାପାଙ୍କର୍ ନାଁ ନାହେତ ବିଦ୍ୟାଳୟ କୋଡ୍‌ନମ୍ବର୍ ବେଭାର୍ କରିକରି ଏଡ୍‌ମିଟ୍‌କାର୍ଡ୍ ଡାଉନ୍‌ଲୋଡ୍ କରିପାର୍‌ବେ । ଇ ପରୀକ୍ଷା ସଖାଲର୍ ୧୦ ବଜେନୁ ମୁଲ୍ ହେଇକରି ୧ ବଜେତକ୍ ଚାଲ୍‌ବା ।

ପାଣିପାଗ ଆର୍‌ଏନ୍‌ୟୁ/ ସମ୍ବଲପୁର

ରାଏଜେ ଫେର୍‌ପାଏ ଶୀତ୍‌ର ପ୍ରଭାବ୍ ବଢ଼ିଛେ । ଭୁବ୍‌ନେଶ୍ଵର୍ ଆଂଚଳିକ୍ ପାଣିପାଗ୍ ବିଜ୍ଞାନ୍ କେନ୍ଦ୍ରର୍ ସୂଚ୍‌ନା ଅନୁସାରେ ଆଏବା ୪/୫ ଦିନ୍‌ତକ୍ ପାଗ୍ ଏନ୍ତା ରହେବା । ଆଏବା ୨୪ ଘଂଟା ଭିତ୍‌ରେ ଝାର୍‌ସୁଗୁଡ଼ା, ବୌଦ୍ଧ ଆର୍ ଅନୁଗୁଲ୍ ନ ଜବର୍ ଶୀତ୍ ହେବା ବଲି ପାଣିପାଗ୍ କେନ୍ଦ୍ର ତରଫୁ ସତର୍କ୍ ସୂଚ୍‌ନା ଜାରି କରାଯାଇଛେ ।